



徂徠集

詩部

三之四

服部文庫  
 117  
 724  
 2





417  
724  
2

徂徠集卷之三

物茂卿著

七言律七十九首

巫山高

一聽哀猿此地殊。峰峰十二鬱相紆。襄王踪跡成今古。神女精靈竟有無。西去江流通白帝。南來雲氣滿蒼梧。蕭森搖落秋何限。憶昔登高楚大夫。

望嶽

何物芙蓉落日寒。關中霽迥綵雲端。青天一柱崢嶸



出。白雪千秋突兀看。誰指仙衣懸縹緲。自疑玉女剖  
琅玕。于今石跡山陰地。喚取驪駒問大丹。豐聰王馬  
跡石實在此

山陰昔年使  
峽中所觀

竹亭大兄示及上日書懷詩漫同其韻一首奉

寄

才子先朝金馬廬。一時光寵憶齋居。鬼神宣室終  
成讖。封禪茂陵誰覓書。御氣忽隨璇斗改。春雲長護  
寶圭舒。料知唱和多傷意。今上栢梁盛集初。

仙郎已厭~~疾~~廬。暇日茂陵偏病居。青瑣從容皆焚  
草。玄亭寂莫只繙書。身懷趙璧難韜晦。年近蘧瑗可

卷舒。聞說本朝多父客。彈冠將及中興初。竹亭家  
藏御

墨故前  
首及之

冬月圓

看月上樓還下樓。冬宵三五客衣愁。窺窻玉鏡寒逾  
小。委地金波凍不流。河物梅前吹斷笛。誰家雪後興  
來舟。朔風酒力終難敵。敢說團圓減素秋。

昨在舍弟所睹大醫長公憶田園及偕林祭酒  
宴其別業詩卒奉和其韻二首

人道倉公漢帝年。聲名不讓上池泉。同朝枚馬能成  
賦。異代桐雷豈為錢。欲覓丹砂句漏令。時歌幽桂小



山篇祇今海內疲瘵滿。敢許攜家入紫煙。  
幾回蠟屐竟何因。徒聆名園鎖碧筠。應有泉巖竇內  
擅寧無芝朮雨餘新。煙霞長護仙為主。花木深通寺  
是鄰。況羨風流傳勝事。悵然援筆步瑤塵。  
來期與諸名勝同游。天桂精舍以病弗果奉寄二  
律謝之其一東實尊者  
梵王宮殿倚林丘。法雁春飛祇樹頭。塵外羽械邀小  
集。城南蠟屐想同游。人如嶽雪遙相映。詩似衣珠爛  
欲流。擬借綵毫酬起色。紛紛世事竟難收。

其一東實尊者

翩翩百衲恣乘風。遙集琳宮勝會中。應有毫端飛幻  
色。將無趺坐結真空。歌翻初地高振杪。譚竦諸天低  
遶擁。無奈維摩猶示疾。剎那千偈任君雄。

雪中以臺哉才開來爲韻

映簾白雪讀書臺。入夜霏霏詩思哉。剎掉敲門能有  
興。梁園作賦豈無才。洛中伏枕色堪起。歷下高樓望  
最開。總爲楚人歌少和。還疑按劍暗投來。

和答東壁都依原韻二首

謾說陽春高楚臺。和成白雪有君哉。自誇皎皎人懷  
美。誰識霏霏天愛才。綵繹共揮綵毫動。須臾雙構玉



樓開硯澌時澁更何妨。不斷風吹咳唾來。  
一時枚馬自梁臺。今日同游有是哉。南雪彌高難我  
和。東風儷美見君才。月回趙國連城合。花吐淇園脩  
竹開。况復春寒藩邸地。吳門匹練繞毫來。

諷洲新歲

買屋養痾諷葉洲。優游卒歲欲忘憂。忽聞鐘鼓城樓  
動。便見雲霞滄海流。高枕西山來雪色。啣盃短髮照  
春愁。千秋知是干誰事。肯教東風催不休。

再用前韻酬東壁見和

漢家宮闕象瀛洲。總是神仙豈識憂。劔佩三朝衝斗

集。衣冠九陌映雲流。綵花琪樹青春妬。銀燭瓊筵白  
日愁。獨有王門敞裘客。東風寂寞早歸休。

又三首

卧聽早鴻過汀洲。忽疑相對酌忘憂。和來雙壁篇皆  
琢。寫將五雲字欲流。休說吳潮堪起色。因歌郢雪失  
窮愁。憐君似解少文意。壁上名山響未休。

登至驪珠暝色前。醉揮彩筆睨春天。屠蘇上日君雖  
後。旗鼓中原誰避先。不道青雲蓬閣遠。且看紫氣斗  
牛聯。洛陽又此豐城郡。乍合芙蓉知幾年。

黯然嶽色映新詩。國士羞吾折節遲。夜閣剪燈披手



札春城阻雨負心期。論文捫蝨須稱快。把酒聽鶯豈  
道疲。何日長歌還擊筑。傾將狂態向君知。

詩成未致事故數日聊此爲解時予學笙遂及

之

高藩才子惠春詩。鞅掌經旬欲答遲。花裏筍輿無暇  
日。柳邊欵段有幽期。探珠乍值驪龍睡。衝雪還愁銀  
鹿疲。譜入王喬雙鳳吹。東風相送報君知。

覺玄上人新年作次韻却寄二首

經罷祇林夜未眠。磬鐘聲曙臘纔遷。迎春花木如來  
地。出海雲霞不住天。定識禪心回浩劫。便看華偈報

新年。援琴試度郢中調。元自梵音高大千。

護園鳥語日酣眠。十歲何知官不遷。歌罷撫琴誇白  
雪。醉來嚼盞睨青天。自疑散聖忘禪日。猶憶高僧守  
夜年。已諳人間無似我。憑君界外問三千。

夜泊

解纜大江千里秋。漸看檣上夕陽收。青山向暝留漁  
火。白浪漫天渺客舟。擬受長風望北斗。俯憐明月在  
中流。不知今夜宿何地。且傍清光多處浮。

琴臺

司馬相如昔倦遊。高臺此地勝踪留。琴心人自千秋



名  
卷之三  
五  
艷。擯鼻家徒四壁愁。老去鳳凰終決絕。窮來車騎更  
風流。猶憐輕薄堪才子。剩看遠山悲白頭。

寄贈次公二首

山陽形勝海藩分。藩府文章今屬君。大學世家風未  
墜。長門作賦思離群。東來濤捲廣陵雪。西別島浮韓  
國雲。遙識登臨壯春興。妙齡纔是過終軍。  
聞說長門地勢偏。憐君閒暇足留連。時援瑤艸山中  
宿。或釣珊瑚海底懸。赤馬關高通水府。青蜺洲盡接  
華天。儻逢西客遙相覓。日本晁卿以後篇。

寄東壁

憐君何處五侯門。綺書華霄坐綠尊。月下徵歌飛雪  
亂。風前按譜落梅繁。酒酣時却千金壽。宴散寧忘一  
諾恩。祇爲毛生多忼慨。翩翩誰不似平原。

寄岡生

短衣長鋏動諸侯。被髮悲歌燕市頭。罵座春風驚綺  
席。揮毫醉色爛銀鈎。興來時發中原語。恍若身凌大  
海游。總是斐然吾與點。看君狂簡擅東州。

春日寄野搗謙

倦游此處便鄉關。楊柳城東非可攀。歌罷浮雲生渤  
海。嘯來宿雪滿西山。主恩且從大夫後。物議皆輕祝



史間門外春風紫駟馬。羨君意氣謁藩還。

野詞兄游有高和之贈輒此塞答二首

廣樂當年動九關。鈞天縹緲彩雲攀。誰將城北一抔土。忽換宮前萬歲山。咫尺幾違齊使後。篇章尚映漢臣間。憑君莫說龍門路。身已鼎湖髯墜還。

身如枚叔在梁關。仙露金莖未肯攀。風什徒誇齊大國。篋書幾發趙中山。病顏羞向鶯花畔。傲骨懶游卿相間。海上安期君有意。扁舟共覓粒丹還。

再用前韻奉答野搗謙

春雲不敢度江關。知是和歌堪重攀。白壁投來敬馬暗。

夜朱絃斷後識高山。寥寥騷社風塵裡。落落吾曹天地間。偶值門前梅似雪。停舟莫道剡溪還。

春遍芳洲晝掩關。五陵車馬豈難攀。援筇日日酬黃鳥。伏枕年年夢碧山。姓字方今詞客外。沈冥自古酒徒間。偕君且結高陽社。酌酹扶騎款段還。

春日懷次公

黯淡中原一病夫。登樓落日滿平蕪。滄溟春湧濤聲大。齒齒晴搖雪色孤。五斗時能愈我渴。千秋未必須人扶。祇緣寂寞悲同調。苦憶周南縣孝孺。

又寄



一歌白雪動高秋。槎客如雲不敢酬。碣石西連玄菟塞。扶桑東盡青蜺州。古來辭賦徒稱漢。今日文章始識周。安得中朝王李輩。與君大海割鴻溝。

春日懷子徹

武昌柳色映河清。春日鶯啼求友生。吾黨朱絃難遇賞。誰家白雪別成名。通經子夏因冠識。賣酒相如以賦鳴。總為梅花高世外。教人轉憶浪華城。子徹子字夏曾求子字

支機石

媧天補就留殘磔。磊磊明河灘上礫。有日牽牛來礪

角。無端織女取支機。七襄雲錦憑誰力。八月海槎攜汝歸。說與世人疑未信。隕于宋七定應非。

聞熊斯文赴肥後侯之辟却寄

熊谷淳吉

大藩束帛忽相求。書記翩翩欲遠游。應有玄珠懸筑海。或者寒火到蕭丘。訪挑時值避秦客。頌橘何須學楚囚。還憐熊府熊生聘。巧似宗元在柳州。肥有寒火又產橘深

山中有前世避亂者住頗似桃源事云

奉和豫州藤侯贈韓客瑤韻 五首

太守風流耽暇豫。郡中勝事復無涯。賦裁招隱雲為掌。歌罷懷人月似眉。南斗天河窺錯落。北風交野獵



迷離支機最是君家物。持贈仙槎欲返時。天河交野

聞說兼葭霜露後。伊人宛在浪華涯。綵毫題去偏曼

目。青羽回來只俛眉。誰謂南方無美麗。便知西土有

侏離。祇當笑折梅花報。何減王仁擅昔時。西槎時駐浪華而兼

葭梅花國風所咏王仁亦韓人

翩翩五馬何如織。南北雁臣江海涯。獨識玄經亭寂

寞。忽投赤玉燭鬚眉。從來劔氣斗間淺。異日練光天

上離。因憶栢梁高賜宴。依稀尚似夢鈞時。君侯分班雁間故引

北史雁臣

鼎湖龍去帝鄉遠。總嘆人間生有涯。十里山河縈驥

足。二年侍從泣蛾眉。入朝冠佩星旋轉。出守干旄雲

陸離。還是子男周爵貴。好將治最答明時。子男五命值今五品

一代元勳豐沛後。流猷世德遠何涯。傳家詩禮紛經

目。治郡功名深察眉。無客玳筵彈短缺。有琴玉軫起

長離。會當躬奉延陵使。十二國風論盡時。君侯善頌琴故及

錢撫謙野君祗役二河護送朝鮮聘使二首

大邦大夫白鼻騮。清秋摠轡有光華。二川自古雄州

鎮。百濟于今星使槎。迎送島夷朝玉帛。聯綿海甸建

旗牙。相逢儻及九嵩勝。指點芙蓉雪色誇。

迢遞仙槎離金津。聯翩文旆發江濱。元知東里善為



命寧謝西華可與賓。日本三河侯伯國朝鮮八道支那鄰。馮君欲遺繞朝策。將謂當時秦有人。

美人晝寢

嬌倚琵琶若有思。西宮花氣泥人時。攔干影轉斜何識。裙帶風吹開不知。爭羨海棠眠可比。空憐胡蝶夢相隨。君王錯愛留連樂。雲雨陽臺為是誰。

江若水寄示韓使唱和詩走次附郵筒

仙棹問津遶道山。何來漁舸浪華間。飛詩忽合雌雄劍。懷刺空妨虎豹關。雙壁映殘疑月暗。五絃揮罷望鴻還。江南縱有梅花發。能若君開北使顏。渠不得見韓使但投

詩酬和耳

池塘生春草

道是王孫游未歸。池塘草色弄霏微。雪依冷石看猶在。煙着春沙吹不飛。晴岸淺生侵鳥跡。夕漪斜映襲人衣。轉憐昨夜西堂思。夢裡惠連覺來非。

斜岸迴堤翠忽浮。暖煙晴日色逾幽。吟成公子翩翩夢。游倦王孫歲歲愁。亭館幾時過夜雨。池塘到處似芳洲。好看春草深春水。次第東風吹未休。

夜猿啼得飛字

萬樹蕭森曉月飛。千峯寂歷夜猿稀。清風忽送王孫



淚。白露偏霑客子衣。傳谷響悲如自語。窺枝影遠與誰依。何堪獨宿空山夕。髣髴一聲到翠微。

清猿驚夢聽依稀。道是上方連翠微。懸澗影從巴月落。嘯林聲度峽雲飛。多憐紅樹千山盡。或疑碧環萬事非。總為斷腸悲夜夜。無人來此薜蘿衣。

答友人病起見寄

一自河堤把袂分。愁看大野日生雲。烟花春去人歸盡。鴻雁秋深夜靜聞。明月寄心纔到我。青山起色轉思君。曾悲解劍終難合。不是尋常歎索群。

辛卯新正

鷄鳴攬帶夜如何。門外東風白玉珂。雲映衣冠春色早。雪殘城闕曙光多。猶聞昭代討周禮。定識詞臣賡舜歌。自為穆生貪醴酒。曳裾侯邸歲年過。

奉和林祭酒韻

漢家曾值委裘年。猶說山河百二堅。富貴辟陽從古有。聲名陸賈至今傳。難來何賴群公力。策發誰推諸呂權。自是詩書非馬上。囊中寶劍似龍淵。

寄別野搗謙詞兄西上時藩老臺有津南溫泉之行蓋其扈從之云

翩翩行色映江濱。謂是東方老使君。路人三河如就



行役集 卷之三 十一  
國峯回千騎。摠望雲遙。知神女驪山勝。忽教故人馬首分。海驛原通池鯉鮒。別來尺素數相聞。

送邊子固之峽中

此去儒冠氣象雄。百盤峽路限關東。欲移絳帳褰晴雪。故束縹緗凌朔風。自古封疆誇富士。于今教授得文翁。能容弟子皆揚馬。不但山川似蜀中。

物子既稱祿隱。其居尚近市喧也。遂移牛門因

值新正作此

藩中今日定何如。蓬髮急梳驚歲除。符換先生閉戶後。栢浮弟子問奇餘。唯歌白雪供高枕。寧惜青春照

曳裾。自爲王猷多種竹。牛門似是馬曹居。

田子奉使龍華送悅上人西歸。因憶往歲偕游峽中。則不勝悽然也。乃聆其沿富川瞰滄海。則又不勝壯觀之羨也。賦贈二律。

藩國輶車問化城。憐君重此賦西征。秋侵潘鬢清霜映。路過佛巔白日平。爲是龍華從地湧。曾看猿棧架空橫。今來莫謂殊寥絕。到處青山舊識名。

憶昔兜巖攜手登。此行去住兩難勝。夢中嘯咏猶相伴。別後欄干獨自憑。使節一星過富士。仙槎八月送高僧。更逢東海濤如雪。吾羨枚乘在廣陵。



峴希祐上舍懷詩來見次韻自述聊以奉示  
柴門深映綠楊烟。伏枕偏憐偃蹇賢。何物白雲晨自  
媚。誰家芳草夢相牽。詩來南國元難和。書在名山未  
肯傳。總是千秋君不信。莫如裘馬樂青年。

新年偶作

牛門物色動新年。病客高齋轉傲然。御氣潛通城北  
地。雄風迥接海東天。歌來白雪銜杯後。聽罷黃鶯伏  
枕前。無限衣冠紛躍馬。誰知此處歲星懸。

再用前韻酬古禪師見和

人言靈鷲似新年。夜半衣珠忽爛然。梵唄有風來下

界。芬陀不雨墜諸天。因看佳氣高方外。知說妙音超  
劫前。況是文殊時問訊。維摩室裡望相懸。

次韻卓尊者新年作

趺坐道場疑沃州。赤霞曉起講堂頭。梵鐘唄鼓駢闐  
動。僧臘世年刹那流。如是東風觀法界。爾時春色遍  
閩洲。似聞說偈天華墜。我欲相從初地游。

春臺望

攜手風烟百尺臺。關中極目鬱葱哉。八州綺錯雄都  
列。萬艘萍浮大海來。深翰春雲多點綴。銜杯落日且  
徘徊。登高作賦才非易。共指芙蓉雪色開。



戲味無題

齊宮宴散拾遺筭。一石于髡醉不迷。却扇誰知迎曼  
睩。傳觴曾記送柔荑。丹鳳彷彿琴心亂。青雀間關錦  
字題。悵望春雲何處覓。瑤池只在畫欄西。

子規啼

春城三月百花飛。春女聞鶻泣織機。正爾懷人難得  
夢。錯來勸妾不如歸。楚雲暮歷關山遠。秦塞渺茫音  
字稀。何計倩君千里去。狂夫長戍在金微。

擬夏日侍宴

甘泉宮闕映霏微。此地人寰六月非。紫氣晨移天子

坐。白雲晝濕侍臣衣。得無縹酒來仙掌。恰有薰風應  
舜徽。怕是郢才陪御宴。忽漫歌雪遶筵飛。

次韻琴鶴君侯對筑波山吹笙

筑波形勝擁雄州。太守風流絕匹儔。拄笏名山來案  
上。吹笙落日照樓頭。寧無青樹浮薺小。應有白雲歸  
岫幽。人道神仙難可到。看君燕暇與誰游。

賦得白雲抱幽石

遙指晴雲一片浮。青松白石山之幽。疑從漢武封中  
起。却繞秦皇蹕處留。照影分明玉女鏡。類衣縹緲仙  
人舟。祇應無意行朝雨。點綴偏依蘿薜秋。



夾池竹二首

脩竹團欒氣色開。梁王亭榭夾池隈。舞波翠袖來娃  
館。奏水朱絃連吹臺。移棹琅玕皆繚亂。洗盃琥珀暫  
裴回。更看風渚紛纖月。好借相如賦雪才。  
帝子園林脩竹多。踈篁密篠夾池波。月明瑤籟琤瑤  
起。夜靜樓船絃管過。蔭就龍枝浮鯉鯉。喋殘鳳實戲  
鴛鴦。當時賓客皆才子。知是風流淇上歌。

六義園陪國子先生作

郊園久輟五侯珂。忽拉儒宗復此過。泉石猶餘經濟  
大。詠歌應發性靈多。五從孔孟論山水。人道臯夔在  
薜蘿。總是德星今再聚。願留照映被巖阿。

席上又作一律兼簡長少二公

屈指春風又一年。息車花外趁芳烟。舊題雨洗莓苔  
出。新咏雲停巖壑妍。段使幽莊侔綠野。寧將奇石鬪  
平泉。祇緣玉樹雙相映。到處依侑似洞天。

又奉和國子先生

三鳳歲蕤毛羽齊。俯窺園樹萬章低。長鳴忽聳諸侯  
席。麗藻應傳學士堤。似愛湖邊青竹色。且憐檻外白  
雲棲。須臾竝擊春風翮。餘彩繽紛花滿蹊。

奉和林長公



行後集 卷之三  
園抱青山山夾泉。追陪終日聽潺湲。共看綵筆搖春色。總惜華鑣散暮烟。垂柳鳴禽臨席送。曲磴幽逕度雲連。君歸試道神仙宅。南去都城尺五天。

奉和林少公

府公亭館映湖橋。湖上峰巒此奉招。芳渚春雲開綺席。清波落日照高標。停杯竹色憐醪盡。曳履花陰忘路遙。最憶仙郎題字處。風前濯濯綠楊條。

國子先生席上作應命同和

我公此地創仙莊。光寵嘗敷書錦堂。憶得張筵享織女。從來鑿沼象天潢。紅泉隱映千章樹。綺館灑迤十

里岡。何似風流林祭酒。一游勝跡誦無疆。

歲初脩 憲廟遺事有感

茫茫世事泣新正。憶昔金門奏賦名。一自蒼梧雲不返。三者茂苑草還生。後王禮樂多因革。前代公卿尚縱橫。誰似素臣無爵祿。猶堪修史擬丘明。

秋日蓮光精舍次卓尊者韻

叢林此處毗尼寬。琴酒乘秋逐所歡。落日金人毛髮動。微風寶界色相寒。自緣消渴貪甘露。却爲清涼廢素紈。支遁偏憐踈放客。科頭且得卧相看。

永慶君侯輓詞 三首



忽披蘿薜哭臯夔。盛代遭逢彼一時。魚水終從冥契  
合。風雲轉入世情悲。御題嘉樹看搖落。行殿歌

臺已變衰。只有名山封境內。依稀舊府蓮花姿。侯所居

有仙洞題咏第中行殿久從  
毀折封境富士山似八葉蓮花

公曰子房吾所儔。遽然遂從赤松游。人疑定策秦遺

老。天授封留漢列侯。綠韜辭來纔七歲。素書編就只

千秋。不忘家世為韓相。西軫銘旌尚首丘。侯武田名族嘗慨慕

留侯註素書遺命葬于甲州

石渠天祿煥經綸。憶昔文章漢代新。侍講侯猶稱弟

子承。恩余亦謝陪臣。飄蕭星散西園客。髣髴風流

東閣身。俄聽舊時龍逝去。白雲重泣鼎湖春。憲廟御講侯

在弟子班。臣等亦陪筵拜賜侯之即世實在國忌七周也

歲暮蓮光寺集

城北琳宮鬱岿峨。乘晴殘臘此相過。人間歲月崢嶸

盡。方外雲烟徙倚多。貧借衣珠堪掩映。狂憑米汁轉

婆娑。總緣華髮悲遲暮。寧待祗林花滿柯。



祖徠集卷之三

祖徠集卷之四

物茂卿著

七言律五十七首

早春眺望

幽丘黃鳥此携壺。晴靄丹梯瞰大途。無數樓臺遙似畫。誰家車馬俯堪呼。三山海靜春雲細。一嶽天橫白雪孤。形勝東都元氣象。和烟昨日滿城隅。

偶作

長安無處不風塵。況復新年車馬頻。自卧蕭條二徑



宅相看意氣五陵春。寧無鮑叔能知我。卽有元規欲  
污人。千載誰憐孺子唱。濯纓濯足滄浪濱。

歸雁得高字

夜雨凭樓把濁醪。離聲忽駭北鴻翱。梁園草綠池應  
滿。代嶺雪寒關自高。青春有花悲汝別。白雲無路爲  
誰勞。最知清怨客中切。琴到瀟湘帶淚操。

春日草堂小集值雨新霽分韻南字

相携諸子此聯驂。席上翩然詞賦酣。共道人間無秀  
句。便知吾黨有雄譚。映盃落日浮雲暗。凭檻春城宿  
雨含。忽指芙蓉晴雪色。晚來歷歷似終南。

時適峽歸再賦一篇

峽行歸自踏晴嵐。談勝新停才子驂。雨過甘棠爭淚  
落。雲生大嶽共杯銜。時看春鳥來窺席。猶想夜猿垂  
照潭。爲發携將囊裡色。牛門紫氣隱西南。

奉和大潮禪師見訪

衡門樹影動衣襟。開士何來忽此尋。真賞遙從方外  
得。冥搜偏向定中深。玄珠映戶窺無色。白壁投人叩  
有音。欲使名山相應和。爲君且戛少文琴。

陌上桑

秦川少婦字羅敷。翠黛紅顏天下無。但爲百年甘寂



行錄集 卷之四  
莫不知五馬立踟躕。春風窈窕桑中出。落日招搖陌上趨。相值何人能直去。世間不但使君愚。

賦鶴賀某藩醫官六十

淮鷄雲裏皆膏藥。臯鶴城中殊得僊。稅駕緱山終激昂。乘軒衛國且踟躕。頂留一粒丹如火。身著千年衣是玄。閬苑飛來應息翮。世間甲子已周天。

次韻服生吟詩悲早春

忍看長裾照歲華。陽春忽唱淚痕加。寧堪誰識曲中語。縱是能歸夢裏家。北鴈音書還斷絕。東風草木欲萌芽。主恩自滯朱門客。隨例椒盤猶頌花。

春日草堂小集有懷次公分韻佳字

春城結轡訪荆柴。談歇偏憐落日佳。映酒梅花窺席上。懷人鴻雁渺天涯。誰歌白雪難成和。吾黨朱絃少所諧。最是西方傾國色。長門賦就轉相猜。

次韻子和見寄

銜盃落日且徐傾。海內文章無弟兄。濁酒鶯前唯愛爾。高山絃裏豈求名。青春鬱鬱千秋意。白鴈寥寥一字情。忽誦君詩開口笑。方技漢代有黃生。

謝雨芳洲見訪

客有乘槎北海來。壯游曾使二韓迴。携將紫氣行相



映。彈罷朱絃歌自哀。千里山川誰並駕。百年天地此  
銜杯。看君匣裏芙蓉色。不但翩翩書記才。

次大潮尊者送慧通師韻却寄

白雲偶爾出山游。還抱月明眠幾秋。風鐸響空知夢  
淨。雨花隨水悟生浮。祇緣詩偈有相識。竟是鉢盂無  
所求。聞向菰蒲深處住。蕭然一室似虛舟。

平子和詩學大進出示其逢兄作不啻惻愴動  
人一字一淚迺復光彩滿室一淚一珠矣不勝

驚喜次韻

聞說長卿久倦游。况因棠棣一回頭。能無富貴非吾

好。賴有人倫寫爾憂。白璧琢來光照夜。朱絃彈罷氣  
成秋。樽前持此堪相慰。不減連城十五酬。

奉和豫侯西臺憶諸子作

郡齋寂寞歲將徂。君擁瑤琴坐據梧。萬木秋深窺夜  
月。衆峰雲裏媚明珠。意中流水憑誰和。眼底名山祇  
自圖。却羨東都多酒客。風流每集輒傾壺。

又

聞說蘭臺暑始徂。西來秋色似蒼梧。朝躋葛嶺雲為  
棧。夜涉天河星是珠。莫道名山難可寄。信知勝事總  
堪圖。何時一幅茅堂壁。相憶遙如對玉壺。



次韻若霖尊者游東巖山作

東台士女紛相携。聞偈誰知須菩提。不說色空非般若。都忘花鳥是筌蹄。華鯨隱隱諸天動。春月朧朧萬象低。起定憐君還獨返。山櫻如畫未曾迷。

歲暮和南嶠秀才韻

歲暮無人問字旋。玄亭風雨轉蕭然。著書遠託名山上。混跡偏依負郭邊。時度琴心雙鳳曲。且歌酒德二豪篇。爲緣玩世多違世。伏枕難逢同病憐。

鄉者萬菴上人見寄一律韻險不可和也頃伯錫袖其他作相示因次韻奉酬師益住東禪精

舍云三首

玄刹嶙峋映岸開。潮音日夜許誰陪。山如鳳翼抱空出。珠自龍藏捧月來。成果菩提應有樹。散花天女豈無臺。憶曾一走湘中道。海上金題首重回。

愧從慧業僅知君。貝葉曇花本絕群。豈可暗投疑白壁。忽然持贈似春雲。彌天色卽空中現。徧界音還定裡聞。總爲詩家同悟理。貪看動輒到斜曛。

定起知君獨上樓。海天縹渺旋生愁。萬波卷月懸珠網。千岫歸雲藏壑舟。秋着仙楓停晚照。夜漫漁火點烟流。穩聞人境俱清絕。探勝何時問祖猷。



次韻岡恬軒上巳臥疾作

長安此日賞芳辰。急笛繁絃動水濱。不管桃花飛作雨。那知柳絮散如塵。五陵車馬紛游子。三輔風流映麗人。獨有東鄰岡使者。堪憐同病臥青春。

奉和豫侯河內見寄

凡國封疆近帝鄉。風流誰似使君狂。泛槎春迴天河棹。卧客夜歌明月章。只恨接羅無酪酊。何知露冕有輝光。猶聞立馬仙梯上。自送飛鴻海雲長。

猗蘭臺小集憶舊年拙和詩中語聊成一律

翩翩曾識似平原。愛客風流豈謂恩。標疑高山隨玉

軫。歌飄白雪映金樽。道尊不厭疎狂在。調合還憐意氣存。果爾延陵非奉使。國風今日向君論。

次韻萬尊者却寄

海上青藍萬事閒。支公此處沃州山。玄言遙答須彌外。貝葉時飄天地間。笏室看雲承座起。華龕窺月獻珠還。謝家五報前身是。昔日經臺許再攀。

次韻文安武君中秋夜坐

病夫伏枕醉三秋。仰視金城華月流。北斗闌干低擊柝。西山突兀映登樓。嫦娥夜靜清砧急。鴻雁天高白露愁。同調由來無處覓。祇今才子滿中州。



次韻東伯通新年作

朝看綈冠紛遠游。新年氣色識皇州。紫宮元象星垣出。清洛猶疑雲漢流。勝日誰家渾脫舞。春寒何處鷓鴣裘。還應信美悲非土。乘霽一登王粲樓。

送岡維卿從讚侯奉使二首

使旆翩翩動素秋。東方千騎漢諸侯。天迴山驛多高會。路出函關皆壯游。玉節晴懸滄海日。錦裘晝映帝王州。知君驂乘元能賦。洛邑風流足淹留。

羨君書記最翩翩。五馬秋高行色開。驛路氣隨簪筆發。芙蓉雪映裊鞭來。裝中明月元南海。賦裡雄風便

上。倘值洛陽才子問。東方新築黃金臺。

爲子錦邦相壽。其太公七十其先。越人蜚譽勝國時。鳳來乃州境焉。

朱邸東風吹老椿。擁堦玉樹映嶙峋。應分京輦甘棠色。偏入侯邦喬木春。北海家聲鵬舉後。三河政績鳳來鄰。禎祥滾滾知無盡。有子今稱令尹新。

藤豫侯見枉草堂

白馬銀鞍金錯刀。使君騶從塞江臯。偶因載酒來玄閣。遂使垂蘿映彩毫。酌水貯尊人比淡。看山倚檻興爭高。況今吾黨多狂簡。點瑟由琴次第操。



倚蘭臺集分韻金字

朱郎賓筵夏日陰。雄風六月此披襟。華堂縹渺歌先響。綵筆聯翩盃自深。宋玉偏知憐白雪。郭生未必爲黃金。總緣文事堪相狎。憑醉還高傲世心。

西臺宴集七子皆在得山字

朱郎斜連閭闔間。隱垣花木望西山。五驄朝罷誇優渥。七子座闌娛燕閒。清夜金尊窺白髮。春天綵筆映紅顏。最羞衰邁忝虛左。詩到鄴中難可刪。

西臺侯宴集

千秋黯淡幾低回。寧識西園會忽開。君自陳思鄴下後。人皆宋玉郢中才。高山流水多成趣。清吹繁絃不輟杯。儻問漁陽搥鼓意。彌生只合短衣催。

送青蘭鈴子北歸二首

走馬清晨來問奇。出門便道倦游時。忍聽十月碓聲亂。坐看千山楓色衰。狐兔草枯鷹下早。風霜酒熟獵歸遲。應從黑羽城邊路。朗誦長楊奏賦辭。

繁霜十月滿征裘。之子于歸下野州。北指鬢山迎馬出。西來孀木傷人流。便知家苑團欒日。不似都亭桂玉秋。美酒興酣風雪裏。能思曾上李膺舟。

次韻子錦邦相新秋登樓作



宛轉銀河低檻流。綵毫凌霽共誰游。秋生北海樽開  
夜。月滿武昌人在樓。急管繁絃偏勸醉。碧天澄水總  
成愁。知君不淺登高興。作賦深窺此際幽。

奉和卓上人中秋見憶韻

幾從蕭寺問風流。仙梵寥寥況此秋。月出上方遙下  
界。人言西竺在南州。青山偃蹇浮名絆。白髮蹉跎微  
祿羞。慧業空餘支許癖。思君時復一登樓。

送爽鳩子方之三河

憶君奉使向三河。路入函關滄海波。杜若水寒芳草  
歇。芙蓉峰霽白雲多。吹笙幾訪鳳來寺。置酒誰聽魚

麗歌。聞說登臨名蹟徧。高山少室定如何。

猗蘭侯宴

君侯封邑接天河。總怪高筵爽氣多。未動神州千里  
駕。已看才子七星羅。楚風雄起吹深醉。郢雪涼飄入  
和歌。不妨興酣俄側弁。小山桂樹影婆娑。

子徹越中寄示其游草。誦之北陸瀚海白嶽之  
勝。恍然與之偕游也。卷中有贈兩伯陽詩。而伯  
陽偶奉使來東。竣事將還。因次其韻。却寄子徹。  
併簡伯陽。

名山行色照詩筒。奕奕何來指掌中。知弄南音悲塞



北遙飛朔思滿關東。十年唯夢隨陽鳥。百歲縱生齊  
夏虫。安得西州兩文學。片帆載我駕長風。

猗蘭滕侯將戍洛陽城。臨發置酒分十二體分  
韻

使君新領羽林兵。千騎東方按隊行。路轉函關龍虎  
節。雲低洛邑帝王城。封疆爲接天河近。旌旆還依北  
斗平。自是明時無武事。風流偏惹好文名。

舊僚一漚老人爲其妻姊乞壽詩道年八十矍  
鑠爲阿監某藩郎

欲問蟠桃春幾花。卽今阿母在侯家。秋波弱水依顏  
色。月皤崑丘借鬢華。宮裡三千紛共勸。人間八十戲  
相誇。仙璫鳳管行天酒。是日爲歡豈有涯。

代人贈韓客

羨爾翩翩書記哉。壯游遙傍使查來。千秋蹈海還雄  
志。萬里抽毫自大才。蓬島南雲流染翰。梵宮西日映  
銜盃。誰知縹緲乾坤外。傾蓋相看便可哀。

會朝鮮諸學士代人二首

西來滿座馬卿才。綵筆光輝停晚開。壯與瀛濤添意  
氣。映將嶽雪鬪崔嵬。今宵錦繡詩盈紙。何日淄澠酒  
把盃。漸覺勝筵難可繼。誰家遙笛落梅哀。



使星幾座麗遙天。渴望當時日似年。忽喜風標干氣  
象。定知詞筆映雲烟。南梅的皜一枝發。北鴈羽儀數  
影連。由來此會何容易。愁看鴻臚館下川。

與諸子登寶壺山分韻蕭字

搖落江山木葉凋。悲風日日更蕭蕭。千家急雨來還  
散。疊嶂層雲迴忽消。握手客情誰鮑叔。登高仙術各  
王喬。老僧何事鳴鐘去。莫問上方醉吹簫。

六月香尊者至自東奧。寓藤豆州第賦此奉贈  
併問富春山人時東壁下世矣尊者客歲惠金  
叵羅而所借墨刻未至因及此

北溟有鳥翼垂天。六月圖南此欲旋。知己一鳴驚大  
國。贈將三雅憶前年。羊裘著敝星猶客。柯笛吹殘人  
忽僊。最是岫嶠神禹篆。至今想像竟茫然。

頃者得韓館唱酬諸作讀之。獨怪秋府記室翠  
陰田君。風藻燁發。迥出時輩。吾黨之外。迺所罕  
覩。令人不覺竦然起敬。愈知世間自有不待文  
王而興者焉。因次韻二首。使罔太致之。按劍之  
叱。其謂之何。

秋府城樓瀚海流。羽山邊徼控諸侯。浮雲北出毛人  
島。落日西窺越女舟。歷歷孰非廉李略。翩翩爾是阮



徐儔近聞逢著三韓使。倘問當年乾滿洲。  
君是西京揚馬流。優游猶自仕諸侯。奉觴夜醉秋城酒。  
授簡春浮北海舟。豈道文章非世瑞。祇應寂寞似吾儔。  
還嗤八月乘槎客。不識鳳麟何處洲。

村君榮擢後罕見著述是日賦海棠見示次其

韻

列國大夫紛簿領。自言賦咏近難成。三春芳宴開朱  
邸。一樹繁華接鳳城。因擲牙籌隨戲蝶。忽援綵筆答  
流鶯。莫嗟藻思非當日。屈宋何如管晏名。

遊蓮光精舍火後土木甫成此日偶同諸君值

雪

隔歲笙歌復此開。纔過長者布金回。舊遊到處留禪  
石。新築憑誰辨劫灰。突兀樓臺從地出。繽紛雨雪映  
空來。休誇說法天花墜。恰是人人和郢才。

次韻君微見寄因以為贈

爾隨五馬入朝年。到處攜來秀句傳。總說名山爭綵  
筆。寧知流水映朱絃。游梁今已長卿病。觀海從前枚  
叔賢。倘過廣陵能賦贈。縱無起色便相憐。

雨集分韻迴字

諸子紛紛與雨來。草堂氣色此時開。傳籌嚼肉醉寧



死擊劔吹笳歌莫哀。春樹遙連滄海島。浮雲忽失赤  
城臺。銜盃四顧猖狂主。今日何人敢道迴。

尾藩大夫鈴公宅得霜字

吹臺西望接崇墻。上國大夫看寵光。退食委蛇娛暇  
日。飛觴宛轉厭寒霜。賦成嘉樹楓相映。醉弄瑤箏笛  
更揚。不妨吾憑益公座。熟知齊相似平陽。

恭賦掛蘭二首應東叡王臺教

梁苑樓臺勝事偏。朱繩畫棟絙蘭懸。異香裊露梅檀  
奪。輕態弄風鸞鳳翩。世上徒憐燕姑夢。人間浪賞楚  
臣篇。誰知別有仙家品。烟灑雲培在半天。

君王誠意感金仙。靈卉遙來切利天。幽類湘蘭花媚  
露。秀欺楚蕙葉凌烟。懸空宜紉羽衣佩。離地疑承趺  
座蓮。總爲世間人罕覩。枉勞授簡不成篇。

七言排律二首

春臺望

春風吹袂此銜盃。俯瞰春城萬井開。裘馬紛紛民庶  
矣。鶯花往往氣佳哉。王門侯宅參差出。複道層垣窈  
窕迴。總羨仙莖多雨露。爭看鳴尾徧樓臺。天低渤海  
波光合。雲霽芙蓉雪色來。爲值東都駘蕩日。登高獨  
愧大夫才。



下館藩臺示及高什從駕東轍山謁 憲廟有

感謹依嚴韻奉和

濟濟 前朝政事堂咸言稷契在巖廊夜陪樂府鈞  
天近春坐經筵午漏長符竹幾人能虎拜羽林多士  
惟鷹揚縱勞禹貢疏壤黑猶羨周官佩水蒼孰識丹  
心違鼎革空懸白日對嵩邱二年過密忽如鶩萬里  
蓬萊不可航自昔扶轅思馬策于今扈駕恥鵷行忽  
揮一掬玫瑰淚珊索隨風皎似霜

五言絕句二十九首

浣紗女

白足苧蘿女十年尚姓施襦裙不冝脫爭覩浣紗時

新嫁娘

小姑是阿姐大姑是阿娘但愁未嫁日不慣喚吾郎

潛齋席上同賦長安道分韻情字

夾路秦聲起漸知近帝城往還多遠客日暮若為情

同前無字

花明十二衢春雨近還無白馬誰家子揮鞭問酒壚

姬人怨服散

夫婿好神仙每言共上天假饒天可上能得嫦娥憐

潛齋席上同賦浣紗女分韻荷字



蘭棹簇綺羅。笙笛出菱荷。何似浣紗女。低聲獨自歌。  
俠客

飯罷溧陽媪。前途日欲斜。茫茫城市裡。莫有魯朱家。  
艸堂前桃華盛開與卓上人吉生同賦得源字  
春雨武陵郭。小桃深映尊。縱非避秦地。對爾似僊源。  
成慶上人頭管

劉琨吹簫粟。夜感胡人心。縱然日本竹。豈乏漢家音。  
烏夜啼

石頭城上烏。夜夜合雙栖。若爲將九子。來向妾家啼。  
長安道二首

甘泉罷夜獵。馳道接都亭。回首南山色。朔風酒始醒。  
春日狹斜路。紫裘白鼻騮。直馳行馬處。知是五侯家。  
題東坡儋州圖

不描玉堂日。爭傳南海時。想應王呂輩。滔滔滿天涯。  
東壁惠膽瓶上有詩次韻謝之

直置牀頭好。何須更插花。若逢人借問。但道出君家。  
題畫三首

弱竹出橫枝。懸蘿迢迢垂。一禽來集上。誰復能危之。  
比以有聲畫。平生厭晚唐。雖然蜺蛤味。可薦大官腸。  
馬首玉芙蓉。峽游日日從。除却十年夢。何思復一逢。



畫竹

風竹自蕭疎。祇應對讀書。偶然持挂壁。將謂子猷居。

梅花落

顏色年年改。梅花歲歲新。纔憐同白髮。已愧異青春。

題畫牛

野曠無人覓。誰家六七牛。因疑藏此者。未免繡犧愁。

子帥家畫梅贊

深墨作梅花。還如月裡斜。縱無吟咏日。不妨詩人家。

畫竹

誰描湘中種。依佈帝子姿。縱教半面識。猶勝未曾知。

賦夜渡湘江分韻川字豫侯席上

逐臣南更苦。寧耐篝燈眠。淚痕著楚竹。恰是到湘川。

小集得雲字

青山招不至。一髮夕陽分。呼酒遙相照。盃中生白雲。

題畫牡丹

沈香亭上客。不愛世間春。一冠名花色。遂憐傾國人。

賦隴頭水分流字二首

嗚咽隴頭水。東西各自流。人生都有願。誰識我心憂。

百川紛綺錯。尾閭吸無休。如何一度隴。有水皆西流。

尾州人壽詩



星土跨箕尾。州人壽域開。當筵應自愛。家住古蓬萊。

詠中郎橋贈源京國

杜若橋邊水。王孫杏未歸。縱憐春草色。誰為染春衣。

題名 題謝師本公詩字二首

式香亭上客。不受世間春。一畝多秋色。孤村對國門。

題畫牡丹

青山終不至。二美久期分。和酒飲時酒。題畫中主人。

小集詩畫字

百南更苦軍。極盡那知氣。焚竹計長隱。醉臥。

祖徠集卷之四

公公贈以字 雜詩七



